









colorchecker CLASSIC



x-rite

mm

0 cm 1 2 3 4 5 6 7 8 9 10 11 12 13 14 15 16 17 18 19 20


M. 473

LETTRES DE LA PRISON DE LA BASTILLE - 1649




SUR LA PRISON DE LA BASTILLE

1649










M. 11,473

Cat. Moreau,

n° 2263.



2263

6

LETTRES  
 DE DEUX AMIS.  
 Sur la prise de la Bastille.



17 Janvier



M. DC. XLIX.

474

6  
LETTRES

DE DEUX AMIS

Sur la bataille



M. DC. XLIX



## LETTRES DE DEUX AMIS, sur la prise de la Bastille.



ONSIEVR,

Le débord de la riuere nous tenant assiegez dans nos logis, ie vous fais ce mot pour vous demander des nouuelles de la prise de la Bastille. S'il est permis de railler dans ces miseres publiques, ie m'estonne que Messieurs de la Ville n'ont commis à la charge de Renaudot, pour nous faire sçauoir ce qui se passe. Ces iours passez nous auions des relations quotidiennes des affaires de Naples; & autourd'huy à peine sommes nous aduertis au vray de ce qui se fait à Paris. Mais il n'importe pas beaucoup que nos curiositez soient contentées, pourueu que nos affaires aillent bien, & que nos Bourgeois s'entretiennent en bonne concorde. Nous auons vn President Ch. qui est vn vray homme de cœur: l'apprends qu'il y en a plusieurs autres de sa condition qui font tout de mesme. Quand ils auront mis ordre aux affaires principales & plus vrgentes, ie croy qu'ils prendront soin des moindres, & particulièrement de la police du pain. Car ie ne trouue pas de raison qu'un pain qui valoit dix sols, en soit vendu quinze: Veu que les Boulangers ont acheté & achètent encore le bled au prix courant & raisonnable. L'entends de ceux du dedans; car quant à ceux du dehors, le peril qu'ils courent merite bien qu'ils soient surpayez & recompensez, &c. Ce 17. Ianuier 1649.

A ij

## R E S P O N S E .



M O N S I E U R ,

Dans les affaires vrgentes comme celle-cy, il ne se faut pas amuser aux ceremonies; & ie n'aurois pas manqué de vous visiter nonobstant les eaux qui vous environnent. Mais vn bon Citoyen doit garder son quartier & son voisinage, & y trauailler selon sa portée & sa conscience. I'ose vous dire que Monsieur C. & moy auons assureé & consolé mille personnes, sans leur auoir fourny ny armes, ny munitions. Vn homme en vaut mille quand il a bonne intention, & vn peu de conduite; voicy comme ie leur parlois. Nostre cause est bonne, nostre conscience nous le dicte; nos Curez nous le preschent, nos Magistrats nous iustificient: Nous sommes cent contre vn, que craignez-vous? Si le pain ne vient pas par vn costé, il entrera par l'autre: Tenons-nous en bonne vnion, nous sommes inuincibles. C'est cette vnion qui maintient les Republicques: c'est l'vnion qui conserue les familles; c'est le nom que nostre Ennemy ne scauroit ny entendre, ny prononcer sans fremir, & par la vertu duquel nous le deuons exorciser & chasser du corps de cet Estat. N'entreprenons point sur les charges les vns des autres: Que les Maistres commandent, que les valets & les enfans obeïssent; que les hommes aillent à la garde, & à leurs autres factions. Que les femmes prennent soin de leurs mesnages, & d'assister aux prieres de l'Eglise; & s'il y en a qui soient si extremement timides, qu'elles ne se puissent resoudre, qu'elles digerent leurs craintes à par-elles, sans effroyer leur voisinage, & appoltronir leurs

5  
leurs maris. C'est bien loin de se presenter pour seruir aux fortifications de la ville, & de porter la hotte, comme ie l'ay veu pratiquer à la Marechalle de Chastillon pendant le siege de Montpellier. Or à vous autres, Mesdames, on ne vous demande rien que de vous abstenir de pleurs & de crieries, & de viure en repos dans vos maisons. N'avez-vous iamais esté promener en balteau iusques aux Bons-hommes? Tandis que vous estes assises & en repos, le Battelier vous conduit sans peril, & presque sans peine: Estes vous à bord? deux ou trois estourdis qui voudront sortir plustost que les autres, feront vn peu pancher la nasselle, les femmes s'écrient là-dessus que tout est perdu: elles se iettent toutes d'vn costé; & par leur tumulte & leur effroy imprudent elles se culbutent dans l'eau, & en sont cause: sans cela on les débarquoit facilement, & à pied sec. Ha! mais disent-elles, il y a des traistres parmy ceux-cy, parmy ceux là. Nous le sçauons bien, il y en auoit dans la cōpagnie de Nostre Seigneur. Mais ne vous en mettez pas en peine, ils sont cognus, ils sont obseruez: Et tel qui chancelloit aux premieres barricades, est maintenant conuertuy & affermy. Vous dites que nos ennemis ont des hommes: Ouy, ils en ont, mais ces hommes-là ont des femmes & des enfans qui sont parmy nous, & qu'ils aiment mieux que ceux qui les payét & qui les sollicitent de nous mal faire. Vous ne sçauéz donc pas que depuis deux iours plus de trois cens Soldats des Gardes sont retournez pardeçà, soit pour l'amour de leurs femmes, soit pour estre bien payez, comme ils seront dans nos troupes. Que restera-il de delà sinon quelques pillards d'Alle-mans que les paysans assommeront au son du tocsin dès qu'ils en auront la permission? Au reste les Gouverneurs de nos Frontieres ne seront pas si traistres au Roy & à l'Estat,

que de bailler leurs garnisons pour s'exposer en proye à l'Estranger. Quand ils n'auroient pas assez de charité pour leur patrie, s'ils ont vn peu d'âge & d'experience, ils se souuiendront de la honte que laisserent à leur posterité ceux qui s'érigerent en titre de Coyons pour la pension de mille francs qu'ils receurent du Marechal d'Anchre: Mais la plus forte raison, & qui doit faire impression sur l'esprit des plus auisez, & qui a fait resoudre ces sages Princes & Seigneurs qui se sont declarez, c'est celle-cy, que la Force & la Iustice sont cuidement de nostre costé: Et par consequent qu'on ne doit point hesiter des'y ioinde, & d'y prendre party. Quant à la Iustice, entenduë comme vertu, c'est à dire raison, equité, conformité à la Loy de Dieu; elle y est visiblement. Nous nous defendons contre la violence & l'oppression: Nous demandons d'estre deliurez d'vn Estranger qui nous tyrannise: Nous souhaitons la presence du Roy: Nous desirons qu'il soit pourueu d'vn bon Conseil, & d'vne bonne education. Quant à la Iustice, entenduë pour les Magistrats qui l'exercent: Elle est absolument pour nous: Il n'y a point de diuision ny de partage: toutes les voix sont conformes. Ce n'est pas comme du temps de la Ligue: Il y auoit vn Parlement diuisé & contradictoire. Celuy qu'on iustificoit à Paris, estoit condamné & supplicié à Tours. Cela estant ainsi, ceux qui combattent pour nous, ne peuvent craindre confiscation aucune ny de corps, ny de biens. Quant à la conscience: Toute la Theologie est encore pour nostre party. Pour ce qui est des armes, nous sommes plus de vingt contre vn. Voyez quelle proportion. Mais ie ferois tort aux Gentils-hommes & à tant de braues soldats qui nous assistent, de les faire combatre à si grand auantage, avec la bonté de la cause qui les anime; vn

contre vn. Ils ne m'en desauoieront pas. Nos Generaux ne  
 sont pas, Dieu mercy, de la qualité de ceux qui s'éleuerent  
 dans la sedition de Naples. Quant à la personne du Roy & de  
 Messieurs les Princes; nous les honorons de toute l'étendue  
 de nos cœurs, & ne respirons rien tant que l'honneur de leur  
 presence & bienueillance. Nous n'auons ny biens, ny vie  
 que nous n'exposions tres-volontiers pour eux: Iamais nous  
 ne refuserons rien pour la grandeur ny pour la pompe de leur  
 Cour, ny pour l'accomplissement de leurs grands desseins;  
 Mais ny nous Peuple, ny la vertueuse Noblesse, ny les bons  
 Ecclesiastiques ne pouuons plus souffrir la tyrannie des Fa-  
 uoris, des Flatteurs & des Partisans. C'est la honte de la Fran-  
 ce, & le scandale de toutes les Nations. Le zele m'emporte.  
 Ce n'est pas à vous à qui il faut faire ces remonstrances. Vous  
 voulez scauoir le siege de la Bastille. Voicy comme ie l'ay oüy  
 raconter. Le Mercredy 13. du present, Monsieur d'Elbeuf en-  
 uoya sommer le Gouverneur de venir parler à luy: Il respon-  
 dit qu'il ne pouuoit pas le faire, mais que si Monsieur d'El-  
 beuf vouloit aller sous la halle où sont tous ces fusts de Ca-  
 nons, il l'écouteroit parler. Ils se virent. Le Gouverneur re-  
 fusa de bailler sa place, & qu'il y alloit de la vie. Le Prince luy  
 répliqua que s'il la pretendoit defendre cōtre vne ville de Pa-  
 ris, il couroit la mesme fortune. Sur l'heure mesme Mon-  
 sieur de Lislebonne fils de Monsieur d'Elbeuf, eut cōmande-  
 ment de mener le Canon qu'il pointa contre la muraille de la  
 perspectiue de la grande allée de l'Arfenac. On fit trois em-  
 braseures pour trois gros Canons qui tiroient dans la porte du  
 pont-leuis, & qui firent trois ou quatre grands éclats dans la  
 pierre de taille, & briserent le pont leuis en plusieurs endroits.  
 On dit que cependant le sieur du Tremblay enuoya à S. Ger-

main', & qu'il eut ordre de rendre la place. Ce qu'il fit le Ieu-  
dy à trois heures, & en sortit bagues sauues avec vingt hom-  
mes, tant soldats que domestiques. Monsieur d'Elbeuf luy  
dit que par les loix de la guerre il auoit encouru vn plus rude  
traictement, pour auoir defendu vne place de cette qualité;  
mais qu'il estoit son amy & son seruiteur. Sur ce, comme il  
fut question de faire entrer deux Compagnies de Bourgeois,  
l'vne commandée par Monsieur Portail Conseiller de la  
Cour, & l'autre par Monsieur le Febure aussi Conseiller, ils  
eurent dispute à qui entreroit le premier. Monsieur d'Elbeuf  
leur proposa de tourner à croix-pile: Monsieur Portail ré-  
pondit qu'il ne sçauoit point ce ieu là, & qu'il en décideroit  
avec son espée contre l'autre. Sur ce Monsieur d'Elbeuf prit  
Monsieur Portail à l'adroiçte, & Monsieur le Febure par la  
gauche, & les introduisit tous deux en mesme temps. Le len-  
demain Vendredy matin Monsieur le Prince de Conty nom-  
ma Monsieur de Broussel pour Gouverneur de la Bastille, qui  
en donna la Licutenance à son fils, nommé la Louuiere, cy  
deuant Lieutenant aux Gardes. A dieu. J'ay froid au bout des  
doigts. L'eau entre dans l'Eglise de nos Celestins. Ce dix-  
septiesme Ianuier mil six cens quarante-neuf.



